

遊黃山記

汪澤民

黃山在宣歙境雄鎮東南山之陽踰百里爲歙郡治其北二十里爲太平縣又北抵宣治所二百四十里不當通都大邑舟車之走集而游者罕至今年四月九日予始得遊焉山西之麓田土廣衍曰焦村蓮峰丹碧峭拔攢蹙若植圭若側弁若列戈矛若芙蓉菡萏之初開雲烟晴雨晨夕萬狀由焦村南道二十五里至湯嶺上仰視羣峰猶在霄漢聞岡阜蟠結鑿石開逕巖巖欹危瀑布聲訇磕如雷怪石林立半壁飛泉灑巾袂當新暑溽然如秋又十里憩祥符寺寺前淙流走萬石間山皆直松名杉藤絡莎被蒼蘂龍茸有靈泉自朱砂峰來依巖通二小池上池

道藏輯要

天下名山記
江南黃山汪

至

軫集一
又三川

瑩澈廣可通七尺深半之髮可鑿泉出石底纍纍如貫珠不絕氣醱醇若湯酌之甘芳蓋非他硫磺泉比也明日遂試浴垢旋流出纖塵不留令人心境清廓氣爽體舒相傳沈痾者溲雪立差理或然也寺有南唐碑初名靈泉院宋祥符中改今額又龍池距寺左三里許奔流噴薄瀉石潭中亭午照燭五色璀璨誠靈物所居夜聞啼禽聲甚異若歌若答節奏疾徐名山樂鳥下山咸無有行寺旁近見數峰凌空僧指曰天都芙蓉朱砂峰其尤高者天都峰也上多名藥採者裹糧以上三日達峰頂予心甚欲遊而烏道如線不可乃止凡再宿寺中還至焦村之三日行三十里遊翠微寺古松修篁石澗橫道僧橋焉覆之屋以

息遊者清冷靜邃已隔塵雜予爲榜曰翼然至寺庭有井泉僧
言此麻衣師卓錫處泉亦清美不溢不涸一峰卓然獨秀直峙
東南隅曰翠微峰其條支迴互寺居盤中故諸峰俱隱不見明
發行十五里過白沙嶺往往攀崖壁壑蘿蔓或小木貼巖若棧
而度幾不容武旁臨絕壑惴惴焉不敢俯而窺又七里至絕頂
頂平廣倍尋方據石少休時晴雨旭霽氣象激潔環視數百里
岡巒墟落歷歷可數九華緣翠若蓮開陸焦村向所見峰皆平
拖座間俄頃白雲滃起遙山近嶺如出沒海濤僅餘絕頂槎泝
天漢中條又歛藏如掃如是者三可謂奇觀矣日暮抵寺信宿
又二日從村北十里登僊源觀至元中新安吳萬竹習靜茲壤

道藏輯要

天下名山記
江南黃山汪

卷

卷一

嘗衍易宛陵誇詡其勝予贈詩還山今竹存而吳逝已久林阜
周密南列翠峰鍊形引年者固其所哉既還憩吾宗公仲雲松
樓越十日踰興嶺而南所謂三十六峰者駢列舒張橫絕天表
眾岫疊嶺效奇獻秀盡在一覽行田疇竟迺登橫嶺陟小丘道
左竹杉陰森中小徑縈紆僧結屋其間外營草亭往來休焉庫
陋且壞予將改築亭之右丈餘南峰翔舞近乎前北隴奔躍駐
乎後左右翼如景益清名之曰芙蓉亭而未暇也循巖曲折抵
白龍潭巨石谿澗洶湧衝激深不可測歲旱民謁款雨立至又
度板橋有小菴食淡苦修數輩居焉嘗有逃空谷者出奇方療
人疾頗衆既亡瘞浮圖中予特徵夫山水繆繞自爲隩區于高

峰之下與嶺抵此四十五里人迹遼邈可屏塵事遂宿焉聽泉
而去世傳黃帝與浮丘容成於此山上昇改名黃山江澗諸大
山所分以出其廣袤形勝若是奇踪詭狀固不必盡究然非神
人列仙不能稱其居昔大德戊戌歲得茲山圖經神思發越而
因循皓首甫幸一至至又弗克久留而去每登山時率宿雲收
雨紫翠如沐山下之人皆以為山川英靈有相之者予亦竊自
喜回思在南安之日造南原山禱雨龍湫踣揭亂石急流中腰
絙梯藤登懸崖上而復下至潭所其巖險視茲行爲甚是故樂
清賞以酬宿昔忘攀躋之勤而不知高深之爲懼也時至元再
元之六年庚辰歲也

道藏輯要

天下名山記
江南黃山江

壘

軫集一
川々々